

Խորհրդա

ՀԱՅԿԱԿԱՆ ՍՍՌԻ ԺՈՂՈՎՐԴԱԿԱՆ ՏՆՏԵՍՈՒԹՅԱՆ ԽՈՐՀՐԴԻ ԱԿՏԻՎԻ ԺՈՂՈՎՐ

Ռեսպուբլիկայի արդյունաբերության և ժողովրդական տնտեսության աշխատողների բազմահազար բանակի կյանքում նշանակալից հրադարձություն էր Հայկական ՍՍՌ ժողովրդական տնտեսության խորհրդի ակտիվի ժողովը, որ տեղի ունեցավ հուլիս ամսին:

Ակտիվի ժողովում հաշվետու զեկուցումով հանդես եկավ Հայկական տնտեսական վարչական շրջանի ժողտնտխորհի նախագահ ընկ. Ս. Լ՛ովսիսյանը: Ժողովի մասնակիցներին նա պատմեց ռեսպուբլիկայի արդյունաբերության առաջին կիսամյակի արտադրական պլանի կատարման արդյունքների և 1958 թվականի ժողովրդական տնտեսության պլանի ժամկետից շտապ կատարման միջոցառումների մասին:

— Արդյունաբերության աշխատանքի առաջին տարվա արդյունքները նոր պայմաններում, — ասաց զեկուցողը, — փայլուն կերպով հաստատեցին պարտիայի քաղաքականության ճշտությունը: Այդ երևում է մեր ռեսպուբլիկայի արդյունաբերության աշխատանքի օրինակից: Հաջողությամբ կատարելով 1957 թվականի առաջադրանքը, ռեսպուբլիկան ընթացիկ տարվա առաջին կիսամյակում ձեռք բերեց մի շարք հաջողություններ: Այդ ժամանակաշրջանում արտադրության պլանը համախառն արտադրանքի գծով կատարվել է 105, % -ով: Առանձնապես կարևոր է, որ աճման տեմպերի առջևից գնում են արդյունաբերության այնպիսի ճյուղեր, ինչպիսիք են մեքենաշինությունը, հաստոցաշինությունը, սարքաշինությունը, քիմիական և շինանյութերի արդյունաբերությունները: Բարձր տեմպերով են զարգանում նաև գունավոր մետալուրգիան, է-

լեկտրատեխնիկական և թեթև արդյունաբերությունները:

Ուրախալի է նաև այն, որ ետ մնացող ձեռնարկությունների քանակը զգալիորեն նվազել է և ներկայումս կազմում է ժողտնտխորհի ձեռնարկությունների ընհանուր թվի ընդամենը 12,5 % -ը, անցյալ տարվա առաջին կիսամյակի 25 % -ի դիմաց:

Ռեսպուբլիկայի ժողտնտխորհի արդյունաբերական ձեռնարկությունները այդ ժամանակում հաջողությամբ յուրացրել են փորձնական նմուշների թողարկումը և արտադրանքի 74 տեսակների տեխնիկական արտադրությունը: Ռեսպուբլիկայի արդյունաբերության բոլոր ճյուղերը գերազանցաբար են նաև աշխատանքի արտադրողականության բարձրացման պլանը: Նախնական տվյալներով այժմ իսկ կարելի է համարձակորեն ասել, որ կապահովվի նաև արտադրանքի ինքնարժեքի իջեցման առաջադրանքը:

Արդյունաբերության և շինարարության կառավարման փերապառուցումը նախադրյալներ է ըստեղծել Հայկական ՍՍՌ-ի համար՝ ավելի լիակատար և լայնորեն մասնակցելու Սովետական Միության արտաքին կապերին: Ընթացիկ տարվա առաջին կիսամյակում ռեսպուբլիկայի արդյունաբերական արտադրանքի արտահանումը կազմեց մոտ 40 մլն. ռուբլի, որը զգալիորեն գերազանցում է 1957 թվականի նույն ժամանակամիջոցում կատարված արտահանության ծավալից:

Ժողովին պատմելով ձեռք բերված հաջողությունների մասին, ընկ. Մովսիսյանը խիստ քրննադատության ենթարկեց այն թերությունները, որոնք դեռևս գոյություն ունեն առանձին ձեռ-

նարկությունների և ժողտնտիստների աշխատանքում՝ ամբողջությամբ առնված:

Այսպես, ժողտնտիստների 27 ձեռնարկություն չեն կատարել իրենց արտադրական պլանները: Դրանց թվումն են՝ Սննդի արդյունաբերության վարչության 9 ձեռնարկություն, էլեկտրատեխնիկական արդյունաբերության ու սարքաշինության վարչության 5 ձեռնարկություն և էներգետիկ վարչության 5 ձեռնարկությունից՝ 4-ը: 25 ձեռնարկություն չեն ապահովել աշխատանքի արտադրողականության վերաբերյալ սահմանված առաջադրանքը և 41 ձեռնարկություն թույլ են տվել միջին աշխատավարձի աճման տեմպերի առաջացում՝ աշխատանքի արտադրողականության աճման համեմատությամբ: Առանձնապես վատ են գործերը թեթև արդյունաբերության ձեռնարկություններում, որտեղ աշխատավարձի գերաժախսի ընդհանուր գումարը կազմում է 2213 հազ. ռուբլի:

Վատ է նաև սահմանված նոմենկլատուրայով արտադրանքի թողարկման գործը, որն անդրադառնում է ինչպես ռեսպուբլիկայի ձեռնարկությունների, այնպես էլ երկրի մյուս տնտեսական շրջանների համար անհրաժեշտ կոպերացված մատակարարումների պլանի կատարման վրա:

Ձեկուցողը մանրամասն կանգ առավ արտադրանքի որակի բարձրացման բնագավառում գոյություն ունեցող խոշոր թերությունների վրա: Այսպես, ժողտնտիստների ձեռնարկություններում միայն բացարձակ խոտանի կորուստները կազմել են 2,4 մլն. ռուբլի:

Ժողտնտիստների նիստերում բազմիցս են քննարկվել այն հարցերը, որոնք վերաբերում են Երևանի կամվոլնի (նուրբ բրդեղենի) կոմբինատի, հրուշակեղեն-մակարոնի ֆաբրիկայի, ավտոբուսների, հախճապակու և կենսականի հեծանիվի գործարանների ու այլ ձեռնարկությունների արտադրանքի որակին: Քննարկումները ցույց են տվել, որ որոշ վարչությունների և ձեռնարկությունների ղեկավարներ հարկ եղած չափով չեն հոգում թողարկված արտադրանքի որակի մասին: Ժողտնտիստները աշխատանքից ազատեց կենսականի հեծանիվի գործարանի ու Երևանի կամվոլնի կոմբինատի դիրեկտորներին և կոնկրետ միջոցառումներ նշեց այդ տեղերում արտադրանքի որակը բարելավելու համար:

Գոյություն ունի այն սխալ կարծիքը, թե թողարկված արտադրանքի որակը անմիջականորեն կախված է վերահսկիչների քանակից: Նման կարծիքը հերքվում է թեկուզ հենց հետևյալ օրինակով. այն ժամանակ, երբ արտադրանքի որակը կենսականի հեծանիվի գործարանում գտնվում էր ամենացածր մակարդակի վրա, այնտեղ հաստիքով աշխատում էին 41 վերահսկիչ, իսկ երբ վերահսկիչների թիվը կրճատեցին 15 միավորով, դրությունը ոչ միայն չվատթարացավ, այլ, ընդհակառակը, բարելավվեց:

Պետք է լրջորեն մտածել կենսականի գործարանի օրինակի մասին և աստիճանաբար հրաժարվել հատուկ վերահսկիչների հաստիքից՝ ներանց ֆունկցիաները դնելով արտադրական ցիկլի յուրաքանչյուր հաջորդ օղակի վրա:

Ժողտնտիստների մի շարք ձեռնարկություններում նկատվում է խիստ անցանկալի երևույթ, որը կարող է վատ հետևանքներ առաջ բերել: Բանն այն է, որ այդ ձեռնարկությունների ղեկավարները հրաժարվել են լայն սպառման աշխարհի արտադրանք թողարկելուց, որը մեծ չափով պահանջում են մեր սպառողները: Այսպես, օրինակ, Երևանի դպրոցական պիտույքների ֆաբրիկան դադարել է քանոններ, եռանկյունիներ, աշակերտական նստաբաժնիներ արտադրելուց, ռետինատեխնիկական շինվածքների գործարանը դադարել է մանկական ռետինե խաղալիքներ արտադրելուց, թեև այդ նպատակով այդտեղ ժամանակին հատուկ ցեխ է կառուցվել: Մեքենաշինության և հաստոցաշինության վարչության կոնկրետիվը չի մտածում այն մասին, որպեսզի իր ձեռնարկություններում կանոնավորի տնային գործածության այնպիսի անհրաժեշտ առարկաների արտադրությունը, ինչպիսիք են՝ մսադացները, թավաները և շատ այլ առարկաներ: Ժողտնտիստների վարչությունների պետերը և ձեռնարկությունների ղեկավարները պետք է անհապաղ վերականգնեն արտադրությունից հանված լայն սպառման արտադրանքները և ընդարձակեն ներանց արտադրանքը:

Արդյունաբերության կառավարման նոր ձևերին անցնելը բացառիկ բարենպաստ պայմաններ է ստեղծել ձեռնարկությունների միջև մասնագիտացման և կոոպերացման համար: Օգտագործելով այդ առավելությունները, ժողտնտիստները ան-

ցած տարրում մասնագիտացրել է 13 գործարան
և ցեխեր:

Կենսագործված միջոցառումների շնորհիվ,
ընթացիկ տարրում դադարեցվեց երկրի հեռավոր
շրջաններից այն էլեկտրաշարժիչների, կաբելա-
յին և պլաստմասսային շինվածքների, էլեկտրա-
կոթանների, զսնադան չափիչ և վերահսկիչ դոր-
ծիքների ներմուծումը, որոնք անհրաժեշտ են
ռեսպուբլիկայում թողարկվող արտադրանքի
կոմպլեկտավորման համար: Հետագայում այդ
աշխատանքը պետք է անցկացնել՝ հաշվի առնե-
լով ոչ միայն մեր, այլ նաև մյուս, մասնավորա-
պես, վրացական և ադրբեջանական տնտեսական
շրջանների կոոպերացումը և կարիքների բավա-
րարումը:

— Օգտվելով այն հանգամանքից, որ ակտի-
վին ներկա են մեր թանկագին հյուրերը, — ա-
ռում է զեկուցողը, — Վրացական ՍՍՌ Ժողովրդա-
խորհրդի նախագահ ընկ. Գ. Չոգուվաձեն և Ադրբե-
ջանական ՍՍՌ Ժողովրդախորհրդի նախագահ ընկ.
Ս. Օրուջևը, մենք առաջարկում ենք, որպեսզի
Անդրկովկասի երեք ժողովրդախորհրդների միջև, մեր
ռեսպուբլիկաների պետպլանների մասնակցու-
թյամբ, սերտ կապ հաստատվի արդյունաբերու-
թյան զարգացման հարցերը համաձայնեցնելու և
արտադրության մասնագիտացման ու երեք հա-
րեան տնտեսական շրջանների միջև կոոպերաց-
ման խնդիրները ճիշտ լուծելու համար:

Ղեկավարության մերձեցումը տեղերին և գե-
րատեսչական պատենշների վերացումը, — շարու-
նակում է զեկուցողը, — թույլ տվեցին լիովին
հայտնաբերել և օգտագործել մեր ձեռնարկու-
թյունների ներքին ռեսուրսները, ամենից առաջ
սարքավորումը և արտադրական շենքերը: Ժող-
ովրդախորհրդի մի տարվա աշխատանքի ընթացքում
հայտնաբերվել և կարիք տեսնող ձեռնարկու-
թյուններին են հանձնվել մոտ 300 չօգտագործ-
ված մեքենաներ ու սարքեր: Սակայն մինչև
1958 թվականի հուլիսի 1-ը չսեղակայված սար-
քավորում գոյություն ունի դեռևս մի շարք ձեռ-
նարկություններում (այդ թվում՝ ավելի քան 88
մլն. ռուբլի գումարով ներմուծված սարքավորում):

Ռեսպուբլիկայի Ժողովրդախորհրդի քննության
առավ. այդ հարցը և որոշում ընդունեց, որի հա-
մաձայն նախատեսվում է արագացնել մի շարք
օբյեկտների շինարարությունը, դրանք հագեցնել

նոր տեխնիկայով, ինչպես նաև այն մեքենանե-
րով ու հաստոցներով, որոնք մյուս ձեռնարկու-
թյուններում չէին օգտագործվում: Հայտնաբեր-
ված և ռեսպուբլիկայի համար ոչ պիտանի սար-
քավորումը նախատեսվում է հանձնել երկրի մյուս
տնտեսական շրջաններին:

Պատշաճ բարձրության վրա չի գտնվում շի-
նարարական աշխատանքների որակը: Շինարա-
րական տրեստների առանձին աշխատողներ թույլ
են տալիս հավելագրումներ, իսկ Ժողովրդախորհր-
դի ձեռնարկությունների և ճյուղային վարչություն-
ների ղեկավարները անկոնստոլ կերպով ընդունում
և վճարում են կապալային կազմակերպություն-
ների ներկայացրած հաշիվները: Կապիտալ շի-
նարարության մեջ ստեղծված դրությունը պա-
հանջում է դիմել եռանդուն միջոցառումների՝
կապիտալ աշխատանքների պլանի կատարումը
արդյունաբերության բոլոր ճյուղերի գծով ապա-
հովելու համար:

ՈՍԿՊ Կենտկոմի Մայիսյան պլենումի որոշ-
մամբ համապատասխան, Ժողովրդախորհրդի ուշա-
դրության կենտրոնում են գտնվում գործող ձեռ-
նարկությունների ընդլայնման ու վերակառուց-
ման և քիմիական արդյունաբերության մի շարք
նոր ձեռնարկությունների շինարարության հար-
ցերը:

Ժողովրդախորհրդի առջև դրված մեծ խնդիր-
ները, — եզրափակում է իր խոսքը ընկ. Ս. Մով-
սիսյանը, — կարող են հաջողությամբ լուծվել
պետական կարգապահության հետագա ամրու-
պնդման, որակյալ բանվորների, վարպետների,
ինժեներա-տեխնիկական աշխատողների և տնտե-
սական ղեկավարների կազմերը պլանաչափ նա-
խապատրաստելու և աճեցնելու, Ժողովրդախորհր-
դի ապարատի աշխատանքը բարելավելու և կատա-
րելագործելու, Վրաստանի, Ադրբեջանի և Տաջի-
կոստանի եղբայրական ռեսպուբլիկաների ժող-
ովրդախորհրդների աշխատողների հետ սոցիալիս-
տական լայն մրցություն ծավալելու պայմանով:

Կապածից դուրս է, որ Հայկական ՍՍՌ Ժող-
ովրդախորհրդի ձեռնարկությունների և կազմակեր-
պությունների աշխատողները դործի կղն են բո-
լոր ջանքերը՝ պարտիայի և կառավարության
կողմից տրված խնդիրները հաջողությամբ կա-
տարելու համար և իրենց ավանդը կմտցնեն մեր
Հայրենիքի էկոնոմիկայի զարգացման գործում:

Ձեկուցումից հետո տեղի ունեցավ մտքերի աշխույժ փոխանակություն, որին մասնակցեցին 22 հոգի: Երևելք ունեցողները խոսեցին այն մասին, որ արդյունաբերության և շինարարության կառավարման վերակառուցումը մոտեցրել է ղեկավարությունը արտադրությանը, բարենը-պաստ կերպով է անդրադարձել ձեռնարկությունների աշխատանքի ռիթմի վրա, բարելավել նրանց նյութա-տեխնիկական մատակարարումը, օգնել մասնագիտացման իրագործմանը և նոր տեխնիկայի ամրապնդմանը:

Դրա հետ միասին ելույթ ունեցողները քննադատության ենթարկեցին համապատասխան կազմակերպություններին՝ ձեռնարկություններին հումքով, օժանդակ նյութերով և պահեստամասերով վատ մատակարարելու համար: Նրանք նը-շեցին նույնպես, որ Հայկական ՍՍՌ Պետական գիտա-տեխնիկական կոմիտեն բավարար օգնու-թյուն ցույց չի տալիս արտադրությանը: Իրենց ելույթներում նրանք պահանջեցին, որպեսզի անհապաղ լուծվի ձեռնարկություններին ջուր, էլեկտ-րաէներգիա և բանվորական ուժ մատակարարելու հարցը: Դրա հետ միասին, մասնաշեցին նաև, որ որոշ ձեռնարկությունների ղեկավար-ներ քիչ ուշադրություն են դարձնում ֆինանս-ների և արտադրության էկոնոմիկայի հարցերի վրա: Շոշափեցին նաև կադրերի պատրաստման, արտադրանքի որակի բարձրացման, բնակարա-նային շինարարության տեխնիկայի արագացման անհրաժեշտության և այլ հարցեր:

Ջերմ ընդունելության արժանանալով ակտիվի ժողովի մասնակիցների կողմից, հանդես եկան վրացական ՍՍՌ Ժողտնտխորհի նախագահ ընկ. Գ. Չոգովաձեն, Ադրբեջանական ՍՍՌ Ժողտնտ-խորհի նախագահ ընկ. Ս. Օրուշևը և Տաջիկական ՍՍՌ Ժողտնտխորհի Թեթև արդյունաբերության վարչության պետ ընկ. Ու. Կադիրովան:

Հանդիսականներին մեծ ճառով դիմեց ՀԿՊ Կենտկոմի առաջին քարտուղար ընկ. Ս. Թովմաս-յանը: Հայաստանի Կոմունիստական պարտիայի Կենտկոմի և Հայկական ՍՍՌ Մինիստրների Սո-վետի անունից նա ողջունեց ժողտնտխորհի ար-դյունաբերության աշխատողներին, որոնք արդյու-նաբերության և շինարարության կառավարման վերակառուցումից հետո պետական պլանները

կատարելու գործում հասել են զգալի հաջողու-թյունների:

Ակտիվի ժողովը մեծ խանդավառությամբ միա-համուտ որոշում ընդունեց սոցիալիստական մըր-ցության մեջ մտնել վրացական, Ադրբեջանական և Տաջիկական տնտեսական վարչական շրջաննե-րի ձեռնարկությունների ու կազմակերպություն-ների կողեկտիվների հետ և Հայկական տնտեսա-կան վարչական շրջանի ձեռնարկությունների ու կազմակերպությունների բանվորների, ինժեներա-տեխնիկական աշխատողների և ծառայողների ա-նոնից ստանձնեց մի շարք պարտավորություն-ներ, մասնավորապես՝

1. Մինչև դեկտեմբերի 23-ը կատարել ժող-տնտխորհի արդյունաբերության համախառն արտադրանքի 1958 թվականի պլանը և պլանից դուրս տալ 153 մլն. ռուբլու արտադրանք:

2. Ապահովել պլանից դուրս արտադրանքի հե-տևյալ կարևորագույն տեսակների թողարկումը.

Ռաֆինացված պղինձ	580 տոննա
Մծմբական թթու	800 »
Սուպերֆոսֆատ	4000 »
Պղնձի կոնցենտրատ	4000 »
Մոլիբդենի կոնցենտրատ	120 »
Սևաճիտ և նաիրիտ	350 »
Ավտոդոզ	10000 կոմպլ.
Փոխադրովի էլեկտրակայան	200 հատ
Գեներատոր	135 »
Կենթրոնախույս պոմպ	1200 »
Ցեմենտ	3000 տոննա
Փափուկ կաշի	1800 հազ. քառ. դցմ
Կոշիկ	120 հազ. գույգ
Պահածո	5000 հազ. պայմ. տոնն

Սոցիալիստական պարտավորությունները նա-խատեսում են նաև ձեռնարկություններում աշ-խատանքի արտադրողականությունը պլանից դուրս բարձրացնել 2,2%-ով, տնտեսել 400 հազ. կվտժ էլեկտրաէներգիա և ապահովել առնվազն 11 մլն. ռուբլու գերպլանային շահույթ:

Տեխնոլոգիական պրոցեսների հետագա մե-քենայացման, ավտոմատացման ու կատարելա-գործման, նոր տեխնիկայի արմատավորման նը-պատակով ռեսպոնդենտի առաջատար արդյու-նաբերական օբյեկտներում պլանից դուրս իրա-գործել մի շարք կարևոր միջոցառումներ:

Ընդունվել է պարտավորություն՝ հասնելու թողարկվող արտադրանքի որակի արմատական բարելավման, սորտայնության բարձրացման, խտտանի և սխալ սորտավորման վերացման, ինչպես նաև արտադրության բոլոր ստադիաներում կորուստների խիստ կրճատման:

Ակտիվի ժողովը Հայաստանի արդյունաբերության բոլոր աշխատողներին կոչ արեց է՛լ ավելի լայնորեն ծավալել սոցիալիստական մրցությունը՝ 1958 թվականի համար ստանձնած պարտավորությունները հաջողությամբ կատարելու և գերակատարելու համար:

ՀԱՅԿԱԿԱՆ ՍՍՌ ԺՈՂՏՆՏԵՈՐՀՈՒՄ

Հայկական ՍՍՌ ժողովրդական տնտեսության խորհուրդը քննարկեց իր օբյեկտների շինարարությունում տիպային նախագծերի կիրառման հարցը: Նշվեց, որ, չնայած հաստատված տիպային նախագծերի առկայությանը, նրանք շինարարության մեջ հաճախ չեն կիրառվում: Այսպես, անցյալ տարի նախագծված 57 բնակելի տներից «Հայարդնախագիծ»-ը տիպային նախագծեր է կիրառել միայն չորս տների շինարարություններում: Տիպային նախագծերը ալյուրան լայնորեն չեն կիրառվում նաև այս տարի, որի պատճառով բնակելի տարածության մեկ քառակուսի մետրի նախահաշվային արժեքը դեռևս շարունակվում է բարձր մնալ:

Շինարարության մեջ տիպային նախագծերի կիրառումը ընդլայնելու նպատակով ժողտնտխորհրդի «Հայարդնախագիծ» և «Արմգիդրոցվետմետ» նախագծային ինստիտուտներին առաջարկեց կազմել բնակելի տների, կոլտուր-կենցաղային նշանակություն ունեցող օբյեկտների, ինչպես նաև այլ կառուցվածքների միայն տիպային նախագծերը և միջոցառումներ մշակեց ըստ հաստատված տիպային նախագծերի շինարարությունն ապահովելու համար:



Ժողտնտխորհրդի Փայտամշակման և անտառային արդյունաբերության վարչության ձեռնարկությունները ընթացիկ տարվա առաջին կիսամյա-

ժողտնտխորհրդի և ենթակա կազմակերպությունների ապարատի աշխատանքի մասին արված բնագրատական դիտողությունները ամփոփված են հատուկ նշանակված հանձնաժողովի կողմից և քննության են առնվել ժողտնտխորհրդի նիստում: Ժողտնտխորհրդը ընդունել է կոնկրետ միջոցառումներ, որոնք ուղղված են ինչպես ժողտնտխորհրդի ապարատի առանձին օղակների, նույնպես և ռեսպուբլիկայի որոշ ձեռնարկությունների աշխատանքի թերությունների վերացմանը:

Կի ընթացքում ապահովեցին մանկական կահույքի արտադրության պլանի կատարումը: Սակայն կահույքի այդ քանակը չի ապահովում աշխատավորների աճած պահանջմունքը:

Այդ նպատակով ժողտնտխորհրդը որոշեց ավելացնել այդ ձեռնարկությունների արտադրությունը և մինչև տարվա վերջը պլանից դուրս պատրաստել մինչև 1200 հատ մանկական ամթոռ, 800 հատ մանկական պահարան, 4500 հատ մանկական սեղան և այլն:

Միաժամանակ, ժողտնտխորհրդի Փայտամշակման և անտառային արդյունաբերության վարչությանը պարտավորեցրեց միջոցառումներ մշակել մանկական կահույքի նոր տեսակների, այդ թվում ռետինե անիվներով մանկական մահճակալների, մանկապարտեզների ու մանկամսուրների համար փոքրիկ պահարանների արտադրությունը յուրացնելու նպատակով:



Քննարկելով Կիրովականի Ա. Մյասնիկյանի անվան քիմիական կոմբինատի կարբիդի ցեխի անցած կիսամյակի գործունեությունը, ժողտնտխորհրդը բացահայտեց տեխնոլոգիական ռեժիմի մեծ թվով խախտումներ, որոնք առաջ են բերել վալցիոմի կարբիդի որակի, իսկ առանձին ժամանակներում նաև վալցիոմի ցիանամիդի և ցիանահալուցի որակի վատացումը: